



## **SAKSFRAMLEGG**

|                                       |                          |
|---------------------------------------|--------------------------|
| <b>Sakshandsamar:</b> Marianne Soleng | <b>Arkivkode:</b> FE-033 |
| <b>Arkivsaksnr:</b> 21/291            | <b>Løpenr:</b> 21/3190   |
| <b>Sakstype:</b> Politisk sak         |                          |

### **SAKSGANG**

| <b>Styre, utval, komité m.m.</b> | <b>Møtedato</b> | <b>Saksnr</b> |
|----------------------------------|-----------------|---------------|
| Kommunestyret                    | 22.04.2021      | 022/2021      |

### **Faste saker**

#### **22.04.2021 Kommunestyret:**

Handsaming i møtet:

#### **Godkjenning av innkalling og sakliste:**

Ordførar Knut Harald Frøland (Bl) orienterte om følgjande endringar i forhold til saklista:

- Interpellasjonane vert handsama etter sak 022 Faste saker.
- Sak 028/2021 vert flytta opp og handsama som første sak etter interpellasjonane.
- Ettersende saker/ekstrasaker vert handsama på slutten av møtet.

Øyvind Strømmen (MDG), Øyvind Røen (Sp), Lena Tveit (Bl), Martin Haugen (Bl) orienterte om at dei ønska å få vurdert gildskapen sin i interpellasjon frå Odd Arne Haga (Frp) om veg Hagabotnane.

Gunn Østvik Petersen (Ap) orienterte om at ho ønska å få vurdert gildskapen sin i interpellasjon frå Arild Røen (H) om nasjonal transportplan - tilskot til fylkeskommunale vegar.

Det var ingen andre merknader til møteinnkallinga eller saklista.

#### **Eventuelle merknader til protokollen frå førre møte:**

Ingen merknader.

#### **Ordføraren orienterer:**

- Fartsgrenseplan Kvamskogen. Etter at ordføraren hadde orientert om status spurde Øyvind Strømmen (MDG) om dette burde takast inn som vedtaksak i kommunestyremøtet. Ordførar Knut Harald Frøland (Bl) bad Øyvind Strømmen om å formulera forslag til uttale frå kommunestyret i løpet av møtet.

#### **Rådmannen orienterer:**

- Einingsleiar for pleie og omsorg, Janne Drevsjø, orienterte på vegner av rådmannen om inntaksordninga på sjukeheimen.
- Sak om søknad om sal av mat frå salsvogn på Bjørkheim. Etter rådmannen si orientering orienterte ordførar Knut Harald Frøland (Bl) om at han før møtet hadde førebudd eit framlegg til vedtak. Ordføraren spurde kommunestyret om dette kunne takast inn som ekstrasak på

saklista for kommunestyremøtet. Kommunestyret slutta seg til dette. Informasjon om handsaming og vedtak i saka står som sak 037 i møteprotokollen.

### **Grunngjevne spørsmål:**

#### Grunngjevne spørsmål frå Samnanger Frp om bufellesskapet på Skottabakken

Ordførar Knut Harald Frøland (Bl) orienterte om notat med svar frå rådmannen som hadde vorte sendt ut på e-post til kommunestyrerepresentantane tidlegare på dagen 22.04.2021. Ordføraren foreslo at verken dei grunngjevne spørsmåla eller rådmannen sine svar vart lest opp i møtet, på grunn av det store omfanget. Han foreslo i staden at både Samnanger Frp og rådmannen fekk høve til å gje ein kommentar. Kommunestyret slutta seg til dette forslaget. Rådmannen sitt svar på dei grunngjevne spørsmåla ligg som vedlegg til møteprotokollen.

### **Utvalet sitt kvarter:**

- Monica Tjønnå (Sp) stilte spørsmål om sak om ønske om kjøp av tomt på Lønnebakken.
- Solveig Vassenden (Bl) orienterte om saker frå eldrerådsmøte 10.03.2021. Der vart det stilt spørsmål om kvifor rom i 95-bygget på sjukeheimen står tomme. Solveig Vassenden viste også til at Samnanger før jul fekk tildelt pengar øyremarka til digital opplæring av eldre i kommunen, og at desse midlane no er planlagt brukt på dagsenteret. Ho orienterte om at Samnanger Pensjonistlag ønskjer at desse midlane må gå til alle eldre i kommunen.
- Gunn Østvik Petersen (Ap) viste til at mange køyrer for fort på fylkesveg 137 mellom Hisdal og Solbjørg. Ordførar Knut Harald Frøland (Bl) orienterte om at kommunen ved fleire høve har teke opp dette problemet opp i politirådet, og om at det vil bli teke opp igjen.
- Linda Haug Kollbotn (Frp) spurde om kvifor det ikkje er tilbod om korona-hurtigtestar i Samnanger.
- Karl Bård Kollbotn (Frp) spurde om status for bygging av heis på kommunehuset. Rådmann Ingebjørg Vamråk svara.
- Øyvind Røen (Sp) spurde om status for den planlagde ombygginga av kommunehuset. Rådmann Ingebjørg Vamråk svara.
- Øyvind Røen viste til at kommunehuset i ei tid har vore låst for besøkande, for å redusera risiko for koronasmitte. Han spurde om tidsramma for denne lukkinga. Han spurde også om telefonliste på kommunen si heimeside. Rådmann Ingebjørg Vamråk svara.

### **KS- 022/2021 Vedtak:**

Møteinnkallinga og saklista vert godkjent. Orienteringssaker/referatsaker vert tekne til orientering.

### **Rådmannen sitt framlegg til vedtak:**

- Møteinnkallinga og saklista vert godkjent.
- Orienteringssaker/referatsaker vert tekne til orientering.

### **Oversikt over faste saker:**

Godkjenning av innkalling og sakliste.

Eventuelle merknader til protokoll frå førre møte.

Orienteringssaker/referatsaker.

Utvalet sitt kvarter.